



SKINNBJÅT: Børje Møster har bygt skinnbåten Havelgen etter inspirasjon frå helleristningar frå stein- og bronsealder. Det er brukt eik, furu og lerk frå distriktet, og naturfibertau og selskinnsreimar til å surra på spant av hassel og rogn. Deretter er det sydd saman tju elghuder på dei to skroga. Råseglet er sydd av tolv reinskinns-huder. Den kan padlast og

Stor entusiasme, usikker finansiering:

Steinalderen kan få nytt liv

Det første steinaldersenteret i Norge kan bli plassert ved Fosnstraumen. Her er det gjort store og rike funn frå busetjing i denne tida. Entusiasmen er stor, men pengane er framleis eit usikkert kapittel.

ARTHUR KLEIVELAND
redaksjonen@nordhordland.no

Det var historisk sus på steinaldermøtet på Manger like før påske. Mellom anna gav flintsmid og arkeolog Morten Kutchera tilhøyrarane ei svært engasjert innføring i dei mange og flotte funn som er gjort ved Fosnstraumen.

- Det er flott om vi kan få bygt opp eit senter som formidlar denne spennande og unike historia og kystkulturen i Nordhordland, seier Kjell Isaksen frå Austrheim kyst og sogelag, ein av dei frammøtte på eit informasjonsmøte om formidling av steinalderen. Han trur det vil vera interessant både for strilar og tilreisande å få kunnskap om tida som oppstod då sien trekte seg tilbake.

Riksantikvaren har utpeika

Fosnstraumen som «kulturhistorisk landskap med nasjonal interesse». Men i denne omgang har det ikkje lukkast å få statlege midlar til eit forprosjekt for eit steinaldersenter. Det set ikkje nokon stoppar for planane, og fylkeskommunen har signalisert støtte til det vidare arbeidet med prosjektet.

Har satsa tid og krefter

Eldsjelene bak eit steinaldersenter ved Fosnstraumen, fridykkar og pedagog Børje Møster og Morten Kutchera, ser absolutt eit potensiale for eit steinaldersenter i Nordhordland. Dei opplever betydeleg positivitet og støtte for ideen. Men utfordringa vidare er å skaffa midlar til ei slik satsing.

- Vi har alt satsa mykje tid og ressursar på desse planane. Vi vil stå på for å realisera prosjektet, men vi må tenkja breitt og ikkje gjera ei satsing for personavhengig, seier Møster. Han trur at eit slikt senter vil bli ein turistattraksjon og ein formidlar av korleis dei levde i den eldste tida av vår kystkultur.

Ein rik onkel?

- Skal det vera mogleg å få realisert eit steinaldersenter er det nødvendig at det offentlege, som fylkeskommunen, Muse-

umssenteret eller universitetet går tungt inn, gjerne i kombinasjon med at betydelege sponсорar frå næringslivet blir med på laget, seier Møster. Han meiner eit steinaldersenter har potensiale og moglegheit til å bli eit nasjonalt kompetansesenter om steinalderen.

Møster og Kutchera driv aktiv formidling av steinalderen, mellom anna gjennom lokale steinalderdagar. Møster har bygt ein skinnbåt, som saman med ein steinalderlavvo kan utgjera første del av eit framtidig senter. Eit info- og visningssenter inngår som del av planane.

Målet er å skapa ein opplevingspark etter mønster frå Danmark og andre stader i Europa. Børje Møster viser til at danskane har fått til ei god satsing på denne type formidling, og ser for seg at eit senter i Norge også kan skapa internasjonal interesse.

Opplevingsturisme

-Nordhordland har eit stort potensiale for opplevingsturisme. Ikkje minst Fosnstraumen har ei fantastisk historie å fortelja det moderne menneske, seier Radøy-ordførar Jon Askeland.

Det var rikeleg med fisk som gjorde at steinalderfolk slo seg til ved Fosnstraumen for om lag



SVÆRT SPENNANDE: - Planane om eit steinaldersenter er svært spennande, synest Kjell Isaksen (t.v.) i Austrheim kyst- og sogelag. Til høgre Morten Kutchera, som er ei av eldsjelene bak planane, og

10.000 år sidan.

- Vi må utnytta dei naturgitte ressursar som Fosnstraumen byr på, som kultur, sjøliv og båtliv. Det kan også skapa nye arbeidsplassar, og eit breiare spekter av arbeidsplassar i regionen, seier Austrheim-ordførar Per Lerøy.

Meir enn å overleva

Møster framhevar at det er eit aktivitetsbasert senter der liten og stor kan bu og leva som steinalderfolk, han ivrar for å få realisert. Senteret skal driva levande formidling av historia,

gjennom eksperimentell arkeologi med opplevingar knytt til handverk, våpenbruk og mat.

- Vi har lett for å tru at dei var tilbakeståande og hadde nok med å overleva. Men dei kan ha vore eit overskotsamfunn med både god mattilgang og hatt eit godt liv som jegerar og fiskarar. Funn som er gjort tyder på at dei kan ha reist over lange strekningar med råvarer, og kanskje har dei hatt overskot til eit velutvikla liv. Det mest spennande er kanskje det vi ikkje veit, seier Møster.